

Kampung Air Hitam / Abu Bakar Baginda (1920-an)

Dirujuk oleh

- [Sejarah Awal Bangi](#)



"Papan tanda Kampung Dato' Abu Bakar Baginda" (Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "[Koleksi cerita asal usul dan sejarah daerah Sepang](#)", m.s. 47).

1920-an: Pembukaan

Sumber 1

"Pada asalnya kampung ini diberi nama Kg. Bt. 2 Air Hitam (Air Itam) oleh para peneroka awalnya. Penerokaan awal kampung ini berlaku seawal tahun 1920an dari kelompok orang JAWA Indonesia yang terpaksa melarikan diri dari Penjajahan Belanda di Indonesia . Sementara itu ada sebahagian darinya adalah Buruh Paksa Jepun yang melarikan diri dari kawalan tentera Jepun yang menaiki kereta api menuju ke Thailand. Tentera Jepun adalah tentera yang tidak berperikemanusiaan dimana ada sesetengah sejarah menceritakan yang mereka sangat suka mendera dan memerah keringat penduduk jajahannya.

Kebanyakan daripada peneroka awalan ini bekerja di ladang-ladang (Estet) getah milik penjajah British yang ada ketika itu seperti Ladang Prang Besar, Sedegly dan West Country, yang mana sekarang ini semua ladang-ladang ini telah menjadi Bandar Putrajaya. Mereka bekerja di sebelah pagi dan sebelah petangnya mereka meneroka dan mengerjakan tanah-tanah kerajaan yang masih kosong yang berhampiran dengan ladang-ladang tersebut. Peneroka awalan ini menamakan Kampung mereka ini Kampung Air Hitam (Air Itam) kerana di kampung terdapat sebatang sungai yang merintang tengah-tengah kampung ini dan airnya pula bewarna agak kehitaman. Oleh itu mereka menamakan kampung ini sebagai Kampung Air Hitam.(Air Itam)."

1942-1945: Zaman Pendudukan Jepun

"Ketika zaman peperangan antara tentera Jepun dan tentera British, kampung ini pernah menjadi laluan tentera untuk ke Bukit Perang (Perang Besar) yang kini dikenali sebagai Putrajaya." (Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "Koleksi cerita asal usul dan sejarah daerah Sepang", m.s. 48-49).

1962/1965: Penamaan Kampung Dato' Abu Bakar Baginda

Sumber 1 (1965)

"Sekitar tahun 1960an kampung ini berubah wajah apabila kerajaan Negeri Selangor dibawah pimpinan kerajaan perkataan sekarang Barisan Nasional yang diketuai oleh YAB Dato Menteri Besar pertama selepas merdeka iaitu YAB Dato' Abu Bakar Baginda telah mengurniakan sebidang tanah seluas 30 ekar sebagai mengenang jasa penduduk Kg. Air Hitam kerana memberi sokongan padu kepada parti pemerintah ketika itu.

Di atas rasa kesyukuran penduduk kampung ini, Sekitar tahun 1965, Pihak Pemerintah ketika itu telah mengadakan satu majlis besar-besaran bersama pemimpin yang dihadiri oleh YAB Dato Menteri Besar Selangor ketika itu iaitu YAB Dato Abu Bakar Baginda dan pada majlis itulah YAB Dato Menteri Besar melancarkan dan seterusnya merasmikan nama baru ini kepada nama Kampung Dato Abu Bakar Baginda iaitu mengambil sempena nama YAB Menteri Besar Selangor pertama selepas merdeka. Nama baru ini telah digesetkan oleh pihak berkuasa tanah daerah sepang dan sinonimlah sehingga kini."

(Sumber: Kampung Dato Abu Bakar Baginda (KDABB), 19 September 2019:

"Sejarah Asal").

Sumber 2 (1962)

"Pada tahun 1962, dalam upacara perasmian sekolah rendah oleh Menteri Besar Selangor ketika itu iaitu Y.B. Dato' Abu Bakar Baginda, beliau telah menamakan sekolah dan juga kampung ini dengan nama beliau setelah mengambil kira pandangan ramai. Bermula daripada saat itu maka kampung ini telah dikenali dengan nama Kampung Dato' Abu Bakar Baginda. Walau bagaimanapun, masih terdapat di kalangan masyarakat Jawa sama ada daripada kampung ini dan dan luar kawasan yang menyebut Kampung Air Hitam sebagai Ngaritam yang bermaksud Air Hitam dalam perbualan mereka." (Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "Koleksi cerita asal usul dan sejarah daerah Sepang", m.s. 48).

1975: Penubuhan Daerah Sepang

"Selain ini, apabila berlaku penubuhan daerah baru di Selangor iaitu Daerah Sepang pada tahun 1975, kampung ini merupakan antara kampung terawal yang diisytiharkan memasuki Daerah

Sepang.” (Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "Koleksi cerita asal usul dan sejarah daerah Sepang", m.s. 49).


1985: Perladangan Getah

“Kampung Dato’ Abu Bakar Baginda sebenarnya merupakan pecahan daripada Kampung Sungai Merab. Di peringkat awal, tanah kampung ini hanya seluas 30 ekar sahaja. Namun begitu, proses pembesaran kampung telah berlaku atas daya usaha pemimpin dan warga kampung. Pada masa lalu, kawasan kampung ini merupakan kawasan paya dan ladang getah. Ladang getah ini telah diusahakan secara meluas pada tahun 1985. Namun begitu, aktiviti perkilangan yang berkembang di kawasan Bangi dan Serdang merupakan antara penyebab kerja-kerja menoreh getah semakin kurang dilakukan.” (Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "Koleksi cerita asal usul dan sejarah daerah Sepang", m.s. 48).

1995-03-18: Di Ambang Putrajaya

2 SATURDAY, MARCH 18, 1995 **CITY BEAT**

Seminar to discuss effect of Putra Jaya project



A COMPREHENSIVE seminar to discuss the effect on the development of Putra Jaya, the new centre for Federal Government offices in Prang Besar will be held in May.

Selangor Executive Councillor Datuk Dr Zainal Abidin said academicians from local universities and Government officers related to economic planning would be invited to provide ideas on the future development of traditional villages adjacent to the giant Government project.

He said the seminar, which would be organised by State Economic Planning Unit, would discuss in detail how various aspects of development could help the villagers to enjoy the spillover effect of the Putra Jaya project.

He said the seminar would focus on the development plan for the traditional villages like Datuk Abu Bakar Baginda, Teras Jenang, Sungai Ramal, Dengkil and Sungai Merab.

These villages are situated on the border of the Sepang and Hulu Langat District.

The first project of building the Prime Minister's Department complex was expected to start at the end of this year and be completed by 1997.

Speaking during his Hari Raya open house, Zainal Abidin advised villagers not to sell their land as vast economic opportunities would be created when the Federal Government offices project was completed.

He said among the agenda to be discussed would be the potential development of these villages and the types of development that suited the villages.

He said a better road system between Kuala Lumpur and Prang Besar would be build and this would also benefit villagers.

The improved road system would also boost the economic development of the villages, he added.

POTENTIAL DEVELOPMENT ... Kampung Datuk Abu Bakar Baginda is expected to be the first to gain from the spillover effect in the development of Putra Jaya.

New Straits Times, 18 Mar 1995: "Seminar to discuss effect of Putra Jaya project").

Demografi dan Budaya

“Penduduk asal kampung ini adalah 100 peratus daripada kalangan suku kaum Jawa. Oleh itu, terdapat amalan tradisi masyarakat Jawa yang masih diingati oleh golongan pertengahan usia di kampung ini. Antara budaya tradisi yang sentiasa di ingatan masyarakat Jawa di sini ialah makanan tradisi Jawa iaitu “Nasi Ambeng”. Hidangan tradisi ini sentiasa menjadi keutamaan sama ada di majlis

doa selamat, perkahwinan serta cukur jambul. Antara resepinya ialah nasi yang dibentuk tinggi seperti bukit kecil dan ia dihidangkan bersama mi goreng, kicap dan ayam yang dipotong kecil [di sesetengah tempat ayam dihidangkan dalam bentuk ayam golek (ayam tonggeng) atau seekor ayam di tengah-tengah 'bukit' nasi]. Seramai 10-15 orang akan ditugaskan untuk mengumpul daun jati bagi membungkus dulang yang berisi ambeng pada majlis perkahwinan. Ini kerana, nasi yang dibungkus dengan daun jati dipercayai dapat menambahkan keenakan rasa "ambeng" tersebut." (Sumber: Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "[Koleksi cerita asal usul dan sejarah daerah Sepang](#)", m.s. 49-50).

Para Pimpinan

"Semenjak ia ditubuhkan, kepimpinan Kampung Dato' Abu Bakar Baginda telah bertukar ganti dalam meneruskan usaha memajukan kampung ini. Ketua-ketua Kampung yang pernah dan sedang menabur bakti ialah:

j) Than Haji Zainuri bin Abdullah (1946-1977);

ii) Tuan Haji Surip bin Kasi (1977-1996); dan

iii) Tuan Haji Muhd. Rusly bin Derin (1996 hingga kini*)." *2007

(Sumber: Discovery Research Consultant Management Sdn. Bhd. @ Unit Perancang Ekonomi Negeri (UPEN) Selangor, 2007: "[Koleksi cerita asal usul dan sejarah daerah Sepang](#)", m.s. 49).

From:

<https://bangi.pulasan.my/> - **Cebisan Sejarah Bangi**

Permanent link:

https://bangi.pulasan.my/kg_air_hitam?rev=1758116097

Last update: **2025/09/17 21:34**

